

PETERENÊ papia ñamataña

Peterenê papia ñamataña nec gêjac lau buña ñawae, tañ enj kêsam êsac gebe Lau jaba, tañ “Anôtô kêjaliñ êsêac sa” nañ. Lau tau sêngôn kêsi-kêsigen aña Asia Sauñ ñagamên gêmu kêsêpña (ñanodoña). Ac sêngôo salin-salin sêsêp lau samuc ñalêlôm. Keto papia tonec gebe ênac sêsamwaga têtac tônia gebe lau sêjanda to sêlêsu êsêac kêtú nêñ sêkên gêwiñ Anôtôña. Kêtu tonañña ñac-ketowaga gêôn Jesu Kilisi nê Ñawae Ñajam sa gêdên êsêac gebe taên ênam to sêkên maten enj, tañ gêmác êndu to gêdi sa ma gêjac mata gebe êmu êmên êtiam nañ. Êsêac tec sêsô nêñ ñandan ñalabu ma sêôc sêpuc tauñ tônia gebe sêkên gêwiñ Anôtô tonanôgen ñasaê ten tonañ. Ac taên ênam êtu tônia gebe êndên bêc Jesu Kilisi eoc tau lasêña, oc têtap nêñ ñagêjô ñawasi sa.

Ketowaga êjam danj lau tau gebe sêôc gêñwapac totêtac êpa sugen ma kêkêli êsêac sêsa nêñ lêñ têtôm lau, tañ têtú Kilisinê gêñgac nañ.

Ñadênanj

1. Gêjac m papia tau 1:1-2
2. Taêm ênam Anôtô gêjam kêsi ñamoasinj 1:3-12
3. Gêlên binj gebe tamoa todabunjen 1:13–2:10
4. Daôc ñandan tapuc Kilisi wagamanj 2:11–4:19
5. Tanam nêñ sakinj todambu tauñjen 5:1-11
6. Gêjac mata nê papia 5:12-14

Petere awa gêjac lau

¹ Jesu Kilisi nê aposolo aê, Petere, ñoc biñ êndên lau jaba, tañ Anôtô kêjaliñ êsêac sa sêngôn kêsikêsi-geñ anga Pontu to Galatia ma Kapadokia to Asia ma Bitunia nañ. ² Tamenji Anôtô taê gêjam kwananğen, tec kêjaliñ amac sa ma kêkên Nalau Dabuñ gêwê amac asa lau Dabuñ nêñ lêñ ma tañem wamu Jesu Kilisi to aliñ ênê dec e atu selec. Moasiñ to biñmalô êndên amac êwac e ênam amac auc.

Biñ takên materija

³ Talambiñ aêacnên Apômtau Jesu Kilisi Tama Anôtô, tañ taê walô aêac gêjam sêga. Eñ gêñu Jesu Kilisi anga ñacmatênên sa, tec kêkôc aêac tatu wakuc ma takên materij eñ enderj tôngeñ. ⁴ Eñ gêgôm gêñ tonañ gebe tawê kainj gêñlênsêm tenğeñña to ñawasi, nañ ê su atom. Anôtô kêmasañ gêñlênsêm tau tonañ gêc undambê kwananğen kêtü amacña. ⁵ Anôtônê ñaclai gejob amac gebe akên êwiñ e atap moasiñ ênam amac kêsiña sa, tañ eñ kêmasañ kwananğen gebe êtu awê êndên têm ñamuña nañ. ⁶ Êndên tônê oc atu samuc. Galoc tecenec oc moae gêñ amboac tonec ênac amac ñawae gebe lêtôm tokainjtokainj êkên wapac amac têlagenj acgom⁷ e Anôtô ênsaê amacnêm akên gêwiñ tau gebe ñanô. Ñamalac sêsaê gold, tañ kêtôm gebe oc ênaña nañ, ña ja. Ma amacnêm akên gêwiñ, tañ kêlêlêc gold tonañ su nañ, oc êtap saê sa amboac tonañ, gebe êwaka tau sa gebe gêñ ñanô teñ. Ma êndên tañ Jesu Kilisi eoc tau lasê nañ, amac atap lambiñ to ñawasi to waem sa. ⁸ Ñac tau tonañ amac alic eñ atom, mago têtmtac gêwiñ eñ. Amac matemanô kêpi eñ galoc atom, mago akên gêwiñgeñ e atu samuc eñ totêmtac ñajam ma

totêmtac wapigen nañ. Ñamalac sêwa biñ tonañ ña jakêtom atom. ⁹ Amac atu samuc gebe atap nêma akêñ gêwiñ ñañanô sa. Ñanô tau moasiñ ênam katôm kêsiña.

¹⁰ Moasiñ tau tonañ propete sêsôm to sêkip ñam sa ma seoc moasiñ ênam amac kêsiña, tañ amac atap sa nañ lasê. ¹¹ Kilisinê Ñalau, tañ gêmoa êsêacnêñ ñalêlôm nañ, geoc lasê gebe Kilisi êoc ñandan e su acgom, go êmoa tonawasiñ. Êsêac sebe sêkip biñ tonañ ñanoc sa gebe êmêñ êndêñ ondoc ma êmêñ amboac ondoc. ¹² Anôtô geoc lasê gêdêñ propete tonañ gebe biñ tonañ ênam êsêac tañ sa atom, ênam amac sa. Lau tañ sêsôm ñawae ñajam gêdêñ amac sêsôm bi ñ, tañ propete sêwa sa nañ, lasê gêdêñ amac. Ma Ñalau Dabuñ, tañ Anôtô kêsakiñ aña undambê gêmêñ nañ, kêpuc êsêac tôñ. Ñawae tonañ aña tañ têtû kêka-kêka ñanô gebe sêjala sêwiñ.

Anôtô kêkalem aêac gebe tasa lêñ dabuñ

¹³ Amboac tonañ amansañ nêma kauc ñajaña êsa ma nêma ñalêlôm tekwem sakigen, ec akêñ matem moasiñ, tañ Jesu Kilisi eoc tau lasê ma êkêñ êndêñ amac nañ. ¹⁴ Atôm Anôtônê ñapalê tañem wamuña, ma têtmtac ñakalac, tañ kêkac amac gêdêñ tañ nêma kauc kêsa atomgeñ nañ, ênam gôliñ amac êtiam atom. ¹⁵ Atôm ñac dabuñ tau, tañ kêkalem amac nañ, ma asêlêñ to asa nêma lêñ samob atôm lau dabuñgeñ, ¹⁶ gebe teto biñ gec gebe “Amac atu lêu dabuñ, gebe aê tauc dabuñ.”

¹⁷ Amac embe awem ênac Anôtô, tañ êmêtôc ñamalac êndêñ-êndêñgeñ atôm nêñ kolengeñ ma êpuc open ñac teñ atom nañ, ma embe asam eñ

gebe Tamemi, go asa nêmlêḡ toatêc enḡen êtôm tēm amoa gamêḡ jaba tonecḡa. ¹⁸ Amac alicgac gebe awa, taḡ ê su amboac gold to silber naḡ, kêsi amac su aḡga lêḡ sec, taḡ gelom amac aḡga abeminêḡ naḡ, ma mēḡamoa nêmlêḡtêḡen nec atom. ¹⁹ Kilisinê dec kêtḡ awa ḡanô tau, tec kêsi amac su. Enḡ kêtôm domba ḡabinḡmê to ḡajamanô tenḡ, ²⁰ Anôtô kêjalij enḡ sa gêḡdêḡ taḡ kêkêḡ undambê to nom atomḡen naḡ, tec kêkêḡ enḡ mēḡkêḡ awê gêḡdêḡ tēm ḡamuḡa tonec kêtḡ amacḡa. ²¹ Enḡ kêkêḡ amac akêḡ gêḡwiḡ Anôtô, taḡ gêḡḡ enḡ sa aḡga ḡacmatênêḡ ma kêkêḡ ḡawasi gêḡdêḡ enḡ naḡ. Amboac tonanḡ amac akêḡ gêḡwiḡ to akêḡ matem apenḡ Anôtôḡen.

²² Amac taḡem wamu biḡḡanô, tec gêḡgôm amac katôm ḡawa kêsa ma gêḡgôm amac tēmḡac gêḡwiḡ la-sitêwai ḡanôḡen. Amboac tonanḡ akêḡ tēmḡac gêḡwiḡ elom tau tonêḡ ḡalêlôm samucḡen. ²³ Amac atu wakuc ḡam kêsêḡ ḡawê, taḡ ênaḡa naḡ atom, kêsêḡ ḡawê, taḡ ênêc ḡapanḡ. ḡawê tau Anôtônê biḡ mata jali, taḡ ênêc tenḡen naḡ, ²⁴ gebe

“ḡamalac samob têtôm gêḡḡwanḡ,
ma nêḡ ḡawasi samob kêtôm gêḡḡwanḡ ḡaola.

Gêḡḡwanḡ kêḡmêlij,
ma ḡaola kêsêlô.

²⁵ Mago Apômḡtaunê biḡ oc ênêc tenḡenḡ.”

Ma biḡ tau tonanḡ ḡawae ḡajam, naḡ sêsôm gêḡdêḡ amac.

2

Poc mata jali to lau dabuḡ

¹ Amboac tonanḡ akwalec nêḡm biḡ sec totau-totau to biḡḡansanḡ samob ma aḡam biḡ auc to

têmtac sec ma biñ gêga samob su. ² Atôm ñapalê dedec, tañ têtanj su nañ, ma atanj su ñanô mêtê ñawa tau, gebe atôp atu kapôêñ e atap moasiñ ênam amac kêsiña sa. ³ Amac asaê sugac gebe Apômtau eñ ñajam. ⁴ Amac andêñ poc mata jali, Apômtau tau, ana. Ñamalac têtij eñ siñ su, mago Anôtô kêjaliñ eñ sa ma gêlic eñ amboac poc awamata ñanô teñ. ⁵ Ma Anôtô êkwê amac sa amboac poc mateñ jali atu Ñalau Dabuñ nê andu to atu dabuñwaga dabuñ, gebe akêñ da ñalêlômña, tañ ênac Anôtô mataanô ñajam êtu Jesu Kilisiña, ⁶ êtôm teto gêc gebe
 “Alic acgom, aê kajaliñ poc awamata ñanô teñ sa
 kêtú poc kêclêsuña
 ma kasuñ kêkô Sion.

Ñac tañ kêkêñ gawiñ eñ nañ, oc ênaña atom.”

⁷ Poc tau tonañ kêtú amac akêñ-gêwiñ-waga nêam awamata ñanô. Mago êndêñ êsêac, tañ sêkêñ gêwiñ atom nañ,

“poc tañ lau-sêkwêwaga sêbaliñ siñ nañ,
 kêtú poc kêcñsuña,”

⁸ ma

“kêtú poc sêndiñ eñkaiñ êpiña

to poctêna êngôm lau têtac êmbôli aucña.”

Êsêac tañ sêkêñ gêwiñ Anôtônê biñ atom nañ, dêdiñ eñkaiñ kêpi poc kêtôm Anôtô kêmasañ ñabiñ kwananğeñ.

⁹ Mago amac atu gôlôac, tañ Anôtô kêjaliñ sa nañ. Amac atu kiñnê dabuñwaga to lau dabuñ m teñ. Amac atu Anôtônê lau solop, tec asôm Ñac, tañ kêkalem amac anğa ñakesec adêñ ênê ñawê kaiñ teñ aja nañ, nê gêñtalô ñawae lasê. ¹⁰ Gêmunğeñ atu Anôtônê lau atom, mago galoc atu ênê lau.

Gêmungeŋ amac atap Anôtônê taê walô sa atom, mago galoc eŋ taê walô amac.

Tasa lêŋ êtôm Anôtônê sakiŋwaga

¹¹ O lauace, aê jalêŋ biŋ amac, taŋ amoa amboac lau waba to lau jaba naŋ, êŋgamiŋ taôm êndêŋ têmtac ŋakalac, taŋ gêjac siŋ gebe enseŋ katôm su naŋ. ¹² Asa nêŋ lêŋ amoa lau samuc ŋalêlôm tolaŋômnêŋ sawageŋ. Go êsêac, taŋ sêŋgôliŋ biŋ êpi amac gebe agôm secŋa naŋ, sêsala amacnêŋ kolenŋ ŋajam ma sêlambiŋ Anôtô êndêŋ bôc eŋ êo lasêŋa.

¹³ Asô ŋamalacnêŋ ŋagôliŋ samob ŋalabu êtu Apômtaŋa. Asô kiŋ, taŋ kêtû ŋatau ŋamataŋa naŋ ŋalabu, ¹⁴ to asô gôliŋwaga, taŋ eŋ kêsakiŋ êsêac gebe sêkêŋ ŋagêjô êndêŋ lau, taŋ sêgôm sec to sêlambiŋ lau, taŋ sêjam kôm ŋajam naŋ, ŋalabu amboac tonangeŋ. ¹⁵ Gebe Anôtô taê gêjam biŋ amboac tonec gebe amac anam kôm ŋajam gebe êmbaob lau meloc, taŋ sêjam kauc biŋ naŋ, aweŋ auc. ¹⁶ Asa lêŋ tau amboac lau, taŋ Kilisi kêgaboac Êsêac su naŋ. Mago kêgaboac amac su ŋamoasiŋ êtu sec ŋasabaŋ atom. Atu Anôtônê sakiŋwaga. ¹⁷ Atôc lau samob sa ma têmtac ôwiŋ gôlôac, taŋ têtû nêŋ lasitêwai naŋ. Atêc Anôtô ma atoc kiŋ sa.

Kilisi gêôc ŋandaŋ êtu ŋadôŋdôŋ ênderŋ aéac

¹⁸ Amac sakiŋwaga asô nêŋ ŋataui ŋalabu to atoc êsêac sa. Asô ŋataui ŋajam to wapôm taungeŋ ŋalabu atom, asô ŋataui keso ŋalabu êwiŋ. ¹⁹ Ŋac teŋ embe nê ŋalêlôm êsap Anôtô tôŋ ma êôc wapac êtu biŋ tageŋ tonanŋa, naŋ Anôtô oc ênam mec eŋ. ²⁰ Embe têtap amac to aôc wapac êtu agôm secŋa, naŋ oc

êkêñ amac waem amboac ondóc. Mago embe sêkêñ ñandan êndêñ amac to aóc wapac êtu agôm ñajamña, nanjo Anôtô ênam mec amac. ²¹ Kêtu biñ tonanña tec Anôtô kêkalem amac, gebe Kilisi gêôc ñandan kêtu amacña. Eñ kêtu ñadôñdôñ gêdêñ amac gebe apuc eñ waña. ²² Eñ gêgôm sec teñ atom ma têtap biñdansañ teñ sa kêsa eñ awasuñ atom. ²³ Êsêac sêbu eñ, ma eñ gêbu êsêac ñagêjô atom. Sêkêñ eñ gêôc ñandan, mago eñ kêkôtêñ lêma gêdêñ êsêac atom. Eñ gêliñ nê biñ samob su gêdêñ ñac, tañ êmêtôc biñ ñañêñña nanjen gêja. ²⁴ Aêacnêñ sec kêpi eñ tau ôli ma eñ kêkôc sec tau sa kêpi ka gêja, gebe tatu mêtê êndêñ sec, ma materñ jali êsa êndêñ biñgêdêñ. Ênê sêm ñamala gêgôm amac ñajam kêsa. ²⁵ Gêmunjen amac amoa amboac domba sêbôm, mago galoc Anôtô gêjam amac ôkwi adêñ ñacgejob, tañ gejob amac katôm nañ aja.

3

Lauo to ñac nêñ biñ

¹ Amac lauo asô nêñ ñaci ñalabu amboac tonanjen. Ñacwaga ñagêdô embe sêkêñ êwiñ Anôtônê biñ atom, go lauo sêsôm biñ teñ atom, nêñ Iênjen êngom ñacwaga sênam tauñ ôkwi, ² gebe ñacwaga sêlic amac asa nêñ lêñ gêdêñ to atêc Anôtôgen, ec sêndanuc. ³ Anam gêlôn taôm ña gêñ dêmôêña amboac mômêmlauñ ñapoactalô tokainñtokainñ ma anôn gold ñawasi to asô ñakwê ñajam-ñajam nec atom. ⁴ Anam gêlôn taôm ña gêñ ñalêlômña, tañ ê su atom nañ. Gêñ tau tonec gebe amoa tonêñ ñalêlôm malô to ñañêñ gebe gêñ tonan ñai Anôtô gêlic amboac awamata ñanô.

⁵ Andaŋgeŋ lauo dabuŋ, taŋ sêkêŋ mateŋ Anôtô naŋ, sêjam gêlôŋ tauŋ ŋa awamata tonan, ma sêsô nêŋ ŋaci ŋalabu ŋapep. ⁶ Sara kêtôm tonan. Eŋ taŋa wamu Abraham ma kêsam eŋ gebe Ŋoc apômtau. Amac embe aŋgôm gêŋ ŋajam to atêc gêŋ teŋ atom, go atu Sara latuio.

⁷ Amac ŋacwaga amboac tonan. Awiŋ nêŋ lauo tokaucgeŋ, gebe êsêac ôliŋwalô kêtôm amac atom. Atoc êsêac sagen gebe êsêac sêwê kaiŋ moasiŋ daŋgôŋ mateŋ jaliŋa amboac tonan. Aŋgôm geŋ tau gebe gêŋ teŋ êkô amacnêŋ mec auc atom.

Daôc ŋandan êtu biŋgêdeŋŋa

⁸ Aê jakaton ŋoc biŋ sa amboac tonec gebe Amac samob nêŋ biŋ elom tau ŋajam. Aôc gêŋwapac awiŋ taôm, têmtac êwiŋ lasitêwai to atoc taôm sa atom, êkônin taômgeŋ. ⁹ Akêŋ sec êjô sec atom ma biŋ alôb-alôb êjô biŋ alôb-alôb atom, akêŋ mecgeŋ êjô. Taêm ênam gebe Anôtô kêkalem amac gebe awê kaiŋ mec êtu nêŋ gêŋlênsêŋ.

Gebe teto gêc gebe

¹⁰ “Ŋac taŋ têtac gêwiŋ gebe êmoa mata jali ma gebe êmoa ŋajamgeŋ naŋ, ejop imbêla êndêŋ biŋ sec to gêdôôlic êndêŋ biŋdansan.

¹¹ Eŋ ênac jaê sec to êŋgôm gêŋ ŋajam.

Eŋ ensom biŋmalô ma êndaŋguc e naê tôŋ,

¹² gebe Apômtau mata kêsap lau gêdêŋ ma kêkêŋ taŋa nêŋ mec.

Mago Apômtau laŋô gelo lau, taŋ sêgôm sec naŋ.”

¹³ Embe aŋgôm ŋajam atu dôbgeŋ, ma asa oc êŋgôm amac atu sec. ¹⁴ Embe aôc gêŋwapac êtu adaguc biŋ gêdêŋŋa, go aê aoc êôc amac.

Njamalacnêḡ biḡ êtakê to êlênsônḡ amac atom. ¹⁵ Atôc Kilisi sa anḡa nêḡ ḡalêlôm ma akêḡ eḡ êtu nêḡ Apômtau. Amansaḡ taôm ḡapaḡ e lau teḡ embe teteḡ amac gebe awa biḡ, taḡ akêḡ matem ḡêc nêḡ ḡalêlôm naḡ sa, naḡgo ḡaôḡeḡ asôm lasê êndêḡ êsêac. ¹⁶ Anḡôm totêmtac malô ma ajop taômḡeḡ, gebe nêḡ ḡalêlôm ḡajam, ec êḡḡôm êsêac, taḡ sêḡôliḡ biḡ kêpi amac to sêbu amac, taḡ asa Kilisinê lêḡ ḡajam naḡ majeḡ. ¹⁷ Anôtô embe taê ênam gebe aôc ḡandaḡ êtu aḡôm ḡajamḡa naḡ, oc ḡajam êlêlêc aôc ḡandaḡ êtu aḡôm secḡa su. ¹⁸ Kilisi amboac tonanḡ. Eḡ ḡêmac êndu kêtu dim tageḡ kêtu aêacnêḡ secḡa. Naḡ ḡêdêḡ ḡêjô aêac lau ḡêdêḡmê su, gebe êwê aêac dandêḡ Anôtô tana. Êsêac sêjac eḡ ôligeḡ êndu, mago Naḡlau kêkêḡ eḡ mata jali kêsa. ¹⁹ Ma toNaḡlaugeḡ ḡêja ḡêjam mêtê ḡalau, taḡ sêḡḡônḡ kapoacwalô naḡ. ²⁰ ḡêdêḡ andanḡeḡ êsêac sêkêḡ ḡêwiḡ Anôtônê biḡ atom. Anôtô kêsaê êsêac to ḡê êsêacnêḡ biḡ tôḡ ḡêdêḡ taḡ Noa ḡêsô waḡ ḡêmoa naḡ. Waḡ tonanḡ ḡêjam lau ḡgeḡ sa selom bu kêsuḡ ḡatêna. ²¹ Bu tonanḡ kêtu busanḡu, taḡ galoc ḡêjam amac kêsi naḡ ḡadôḡdôḡ. Busanḡu tau êkwasiḡ ḡatêmui ôliḡḡa su atom, mago êtu môêc endeḡ Anôtô gebe êmansaḡ ḡalêlôm ḡawa êsa êtu Jesu Kilisi ḡêdi saḡa. ²² Eḡ kêpi undambê ḡêja jagêḡḡônḡ Anôtônê anôḡa, ma anela to ḡaclai ma ḡactêkwa sêsô eḡ ḡalabu.

4

Tanam tauḡ ôkwi ma tasa lêḡ wakuc

¹ Kilisi ḡêôc ḡandaḡ kêpi tau ôli. Amboac tonanḡ amansaḡ taôm e nêḡ ḡalêlôm êtôm ênê acgom,

gebe ñac, tañ gêôc ñandan kêpi tau ôli nan, sec kêlêwan en. ² Tec ñamalacnêñ têntac ñakalac ênam gôliñ amac êndên têm amoa nomña étiam atom, Anôtônê biñgen ênam gôliñ amac. ³ Gêdên têm, tañ gêjaña su nan, amac agôm lau samuc nêñ biñ kêtutôñ, tec kêtôm gac. Amac asa nêm lêñ mockainjo to mockainña ma amoa totêmtac ñakalac. Gêñ kêjaññ amac ma aen lasam to anôm anaboa anğôn awiñ taôm to ajam sakiñ gêdên gwam asen Anôtônê biñsu su. ⁴ Ma galoc asêlêñ awiñ lau samuc ma asa nêñ lêñ wauc-waucgenña kêtiam atom, tec sêlic sec ma sêsôm biñ alôb-alôb kêpi amac. ⁵ Mago êsêac oc sêwa nêñ biñ sa êndên ñac, tañ kêmasañ tau su gebe êmêtôc maten jali to ñacmatê nêñ biñ nan. ⁶ Kêtu biñ amboac tonanña en kêsôm ñawae ñjam lasê gêdên ñacmatê gebe êsêac têtap mêtôc sa kêtôm ñamalac têtap sa, mago ñalau sêmoa maten jali kêtôm Anôtô gêmoa mata jali.

⁷ Gêñ samob ñatêku êsuña ñanoc kêdabiñgac. Amboac tonan taêm ênam taôm ma aten nêm mec totekwen sakigen. ⁸ Tonec tec tasôm êtu ñamata gebe akên têmtac gêwiñ elom tau ñanôgen gebe têntac gêwiñ êngênduc sec samob auc. ⁹ Anğôm ja lau atu môsi atom. ¹⁰ Anam sakiñ taôm êndên-êndêngeñ êtôm moasiñ, tañ akôc nan, ma atu Anôtônê moasiñ tokaiñ-tokaiñ ñagejobwaga ñjam. ¹¹ Ñac ten embe ênam mêtê, nan êsôm êtôm Anôtônê biñgen. Ten embe ênam sakiñ, nan ênam êtôm ñac lai, tañ Anôtô kêkên gêdên en nan. Anğôm gêñ samob tonan gebe Anôtônê ñawasi êsa êtu Jesu Kilisiña. Ñawasi to ñajaña êndên en tengeñ ma tengeñ. Biñnanô.

Daôc nandanj tatôm Kilisine lau

¹² O lauace, alic nandanj, tañ kêlêtôm amac gêmoa nanj, amboac gêñ kainj teñ, tañ kêtap amac sa nanj atom. ¹³ Têmtac njam êsa gebe awê kainj Kilisinê nandanj awiñ. Ma êndênj noc eñ eoc nê nawasi lasêña nanj, amac oc atu samuc totêmtac njamgeñ.

¹⁴ Embe sêmbu amac êtu Kilisinê nêña, oc aoc êoc amac, gebe Anôtônê Njalau nawasi wacêpi amac.

¹⁵ Amacnêm teñ êoc nandanj amboac nac, tañ gêjac njamalac êndu me gêjam geñgeñ gêñ me gêgôm sec me kêgabec launênj kôm paliñ-paliñgeñ nanj atom.

¹⁶ Mago amac embe aoc nandanj atôm Kilisinê lau, nanj majem atom. Alambij Anôtô gebe kêkênj amac awê kainj nê tonanj.

¹⁷ Noc kêdabij gebe Anôtô êmêtoc bij ênac m anja eñ tau nê gôlôac. Embe êngôm êndênj aêac amboac tonanj, ma êsêac, tañ tanenpêc gêdênj Anôtônê nawaê njam nanj, oc êngôm êsêac amboac ondocgeñ.

¹⁸ “Anôtô embe ênam lau gêdênj kêsi, oc nalênj njawapac,

ma lau geo to lau sec oc amboac ondoc.”

¹⁹ Amboac tañ êsêac, tañ sêoc nandanj kêtôm Anôtô taê gêjam nanj, sêsa nêñ lênj njam to sêsakij katunj êndênj nac nanjênj, tañ kêkênj gêñ samob nanj.

5

Tajop Anôtônê domba

¹ Aê jalênj bij laumata, tañ sêmoa amac nalêlôm nanj. Aê laumata teñ katôm amac ma galic Kilisi gêoc nandanj ma oc jawê kainj nawasi, tañ mênjêtu awê êtu njamu nanj. ² Ajop Anôtônê domba natonj,

tañ kêkêñ gêdêñ amac nañ, ma ajop êtu sêkac amacña atom. Taôm anğôm anac ñawae êtôm Anôtônê biñ. Anğôm êtu awa geoña atom, anğôm êtu nêñ sakinj topalêgenña. ³ Ajop êsêac, tañ sêsêp amac lememe nañ amboac gôlinwaga, tañ sêkônin nêñ gôlôac nañ atom. Atu ñadôñdôñ ñajam êndêñ nêñ domba ñatonj. ⁴ Ma gejobsêga tau embe êo lasê, go amac akôc ñawasi ñasunsunj, tañ ênaña atom nañ.

⁵ Amac lau wakuc amboac tonañ. Asô lau ñanô ñalabu. Amac samob akônin taôm to anam sakinj taôm êndêñ-êndêngenj, êtôm teto gêc gebe
 “Anôtô êkô lau, tañ tetoc taun sa nañ auc,
 ma êkêñ moasinj êndêñ êsêac, tañ sêkônin taun nañ.”

⁶ Amboac tonañ akônin taôm asô Anôtônê lêma ñajaña ñalabugenj, ec etoc amac sa êndêñ ñanoc. ⁷ Gêñwapac samob, tañ kêkônin amac nañ, apô êpi enj êna, gebe enj gejob amac. ⁸ Tekwem saki ma anam jaligenj, gebe amacnêñ ñacjo Sadañ kêsêlêñ kêtanj-kêtanj amboac lewe ma gesom nê gêñ gebe êndañgôñ. ⁹ Anğaminj taôm êndêñ enj ma akêñ êwinj ñajaña. Ma ajala gebe amacnêñ lasitêwai, tañ sêmoa nom ñagamêñ samob nañ, sêoc ñandanj tau tonañ têtôm amac. ¹⁰ Moasinj samob ñatau Anôtô, tañ gêbinj amac to Kilisi tônia nañ, kêkalem amac gebe akôc ênê ñawasi tenjenña. Oc akôc ñandanj têlagenj ma enj tau mênênac dabinj amac to êpuc amac tônia, ma êkêñ ñaclai êndêñ amac to ênsunj amac sa akô ñajaña. ¹¹ Ñajaña êndêñ enj endenj tôniajenj. Biñjanô.

Petere gêjac mata nê biñ

¹² Aê kato papia dambê tonañ gêdêñ amac ma lasic Silwana, tañ galic eñ amboac ñac ñañêñ nañ, gêjam aê sa. Aê galêñ biñ to gawa sa gêdêñ amac gebe Anôtônê moasiñ ñanô tau tonec. Akô ñajaña akô moasiñ tau ñalêlôm. ¹³ Gôlôac dabuñ aña Babel, tañ Anôtô kêjaliñ êsêac sa sêwiñ nañ, awen gêjac amac, ma latuc Marka amboac tonañeñ. ¹⁴ Aê moalêc taôm to akôc taôm sa totêmtac êwiñeñ. Biñmalô êndêñ amac samob, tañ Kilisi gêbiñ amac tôñ nañ êwac.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb